




ТАСДИҚЛАЙМАН

«Ўзбек геология кидирув» АЖ

Бошқарув раиси в.в.б

Р.В.Раджапов

2024 йил « 16 » августъ

**“Ўзбек геология кидирув” акциядорлик жамияти бошыарув аппарати
Ўзбекистон Республикаси Президентининг 2024 йил 5 июндаги
“Ўзбекистон Республикасининг “Манфаатлар тўқнашуви тўғрисида”ги
қонуни ижросини самарали ташкил этиш чора-тадбирлари тўғрисида”ги
ПК-210-сон Қарори ижросини таъминлаш мақсадида ўтказилган
йиғилишнинг
БАЁНИ**

2024 йил 16 августъ

Тошкент шаҳри

Йиғилиш раиси: КҚИНБ бош мутахассиси Қ.Н. Мажидов

Қатнашганлар: “Ўзбек геология кидирув” акциядорлик жамияти
бошқарма ва бўлим бошлиқлар 19 нафар.

КУН ТАРТИБИ:

1. Ўзбекистон Республикаси Президентининг 2024 йил 5 июндаги “Ўзбекистон Республикасининг “Манфаатлар тўқнашуви тўғрисида”ги қонуни ижросини самарали ташкил этиш чора-тадбирлари тўғрисида”ги ПК-210-сон Қарори ижросини таъминлаш.

2. 2024-йил 5-июнда ЎРҚ-931-сон билан қабул қилинган Ўзбекистон Республикасининг “Манфаатлар тўқнашуви тўғрисида”ги Қонун мазмун-моҳияти тушунтириш.

ЭШИТИЛДИ:

«Ўзбек геология кидирув» АЖ КҚИНБ бош мутахассиси Қ.Н. Мажидов йиғилиш иштирокчиларини кун тартибидаги масалалар билан таништириб, биринчи масала бўйича қуйидагиларни маълум қилди:

Ўзбекистон Республикаси Президентининг 2024 йил 5 июндаги “Ўзбекистон Республикасининг “Манфаатлар тўқнашуви тўғрисида”ги қонуни ижросини самарали ташкил этиш чора-тадбирлари тўғрисида”ги ПК-210-сон Қарори ва ундан кутиладиган мақсад ва вазифаларни тушунтирди.

Ундаги бажарилиши лозим бўлган ишлар ва уларга масъул этиб тайинланган мазирлик ва идоралар белгилаб олингани етказилди.



Кун тартибидаги иккинчи масала яъни 2024-йил 5-июнда ЎРҚ-931-сон билан қабул қилинган Ўзбекистон Республикасининг “**Манфаатлар тўқнашуви тўғрисида**”ги Қонун мазмун-моҳияти тушунтирилди.

Йиғилишда:

Қонуннинг 5 та боб, 33 моддадан иборатлиги;

Ушбу Қонуннинг мақсади- манфаатлар тўқнашуви билан боғлиқ муносабатларни тартибга солишдан иборат;

Тадбиқ этилиш - давлат органларига ва маҳаллий давлат ҳокимияти органларига, давлат муассасаларига, давлат унитар корхоналарига, давлат мақсадли жамғармаларига, шунингдек устав фондида (устав капиталида) давлат улуши 50 фоиз миқдорда ва ундан ортиқ бўлган акциядорлик жамиятларига нисбатан тадбиқ этилади;

яқин қариндошлар — ота-оналар, ака-укалар, опа-сингиллар, ўғиллар, қизлар, эр-хотинлар, шунингдек эр-хотинларнинг ота-оналари, ака-укалари, опа-сингиллари ва фарзандлари;

ҳодимнинг мажбуриятлари:

ўз лавозим мажбуриятларини ёки хизмат ваколатларини виждонан бажариши ва уларнинг бажарилишига таъсир кўрсатадиган ёки таъсир кўрсатиши мумкин бўлган ўз шахсий манфаатлари билан боғлиқ ҳар қандай ҳаракатлардан ўзини тийиши;

лавозим мажбуриятларини ёки хизмат ваколатларини бажариш чоғида манфаатлар тўқнашувига олиб келадиган ёки олиб келиши мумкин бўлган шахсий манфаатдорликка йўл қўймаслиги;

мавжуд манфаатлар тўқнашуви юзага келган тақдирда, ўз иш юритувидаги ҳужжатлар бўйича қарор қабул қилингунига қадар ўзининг бевосита раҳбарини ёки КҚИН бўлимини хабардор қилиши;

Ўзининг бевосита бўйсунувидаги ходимларни ёки бошқа ходимларни бевосита ёки билвосита ўзининг шахсий манфаатларини кўзловчи ҳаракатларга (ҳаракатсизликка) мажбурламаслиги;

Ўзи меҳнат (хизмат) фаолиятини амалга ошираётган ташкилот назорати остидаги ташкилотдан ёки унинг таркибий бўлинмасидан ишга қабул қилиш тўғрисида таклифлар келиб тушганлиги ҳолати ҳақида бир иш куни ичида хабар бериши;

бошқа ходимларга нисбатан ўзига маълум бўлган манфаатлар тўқнашуви ҳоллари тўғрисида хабар бериши;

эҳтимолий манфаатлар тўқнашувини тартибга солиш мақсадида махсус бўлинманинг сўровига кўра маълумотлар тақдим этиши шартлиги.



Ходимнинг фаолиятида манфаатлар тўқнашувининг олдини олиш бўйича чекловлар

Ходим:

хизмат мавқеини суиистеъмол қилиш орқали шахсий наф олишга;
манфаатлар тўқнашуви ҳақидаги ахборотни ошкор этиш чоғида маълумотларни яширишга ёхуд била туриб ёлғон ёки нотўғри ахборот тақдим этишга;

бири бошқасига бўйсунувчи ёки бири бошқасининг назоратидаги ташкилотларда ўриндошлик бўйича ишлашга, бундан қонунчиликда назарда тутилган ҳоллар мустасно;

тижорат ташкилотларининг таъсисчиси (акциядори, иштирокчиси) бўлишга, бундан акциядорлик жамиятларининг эркин муомалада бўлган акцияларининг ўн фоизигача эгалик қилиш ҳоллари мустасно;

Ўзи меҳнат (хизмат) фаолиятини амалга ошираётган давлат органи ёки бошқа ташкилотнинг назоратида бўлган тадбиркорлик фаолияти субъектининг акцияларига ёки устав фондидаги улушларига эгалик қилишга, шунингдек ушбу тадбиркорлик фаолияти субъектларининг бошқарув органи аъзоси бўлишга, бундан Ўзбекистон Республикаси қонунларида ҳамда Ўзбекистон Республикаси Президенти қарорларида назарда тутилган ёки бу фаолият қонунчиликка мувофиқ лавозим мажбуриятлари ҳисобланадиган ҳоллар мустасно. Бунда давлат органи ёки бошқа ташкилот назоратида бўлган тадбиркорлик фаолияти субъектларининг акцияларига ёки устав фондидаги (устав капиталидаги) улушларига эгалик қилган ёхуд мазкур тадбиркорлик фаолияти субъектларининг бошқарув органлари аъзоси бўлган шахс мазкур давлат органида ёки бошқа ташкилотда ходим лавозимини эгаллаган ҳолларда, у қонунчиликда белгиланган тартибда ушбу акцияларни ёки улушларни бир ой ичида реализатсия қилиши, бошқарув органларининг аъзолигидан чиқиши керак;

Ўзи меҳнат (хизмат) фаолиятини амалга ошираётган давлат органларида ёки бошқа ташкилотларда ўзига тааллуқли бўлган ишларни кўриб чиқишда ёки ўзига алоқадор шахсларга тааллуқли бўлган ишларни кўриб чиқишда вакил сифатида иштирок этишга, агар у қонунчиликка мувофиқ қонуний вакил бўлмаса;

Ўзи меҳнат (хизмат) фаолиятини амалга ошираётган ташкилотнинг мол-мулкани сотиб олишда ёки ижарага олишда ўзи иштирок этишга ҳақли эмаслиги;




Мавжуд манфаатлар тўқнашуви тўғрисидаги хабарномани тақдим этиш тартиби;

Манфаатлар тўқнашувини аниқлаш манбалардан олинган маълумотлар орқали ўрганилиши;

Манфаатлар тўқнашуви ҳолларини тартибга солиш учун чоралар тушунтирилди ҳамда хабардор қилинди. Йиғилиш сўнгида савол-жавоб ва музокаралар олиб борилди.

Йиғилиш раиси

A handwritten signature in blue ink, appearing to be 'Q. Majidov', is written over a horizontal line.

Қ. Мажидов